

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

**po zahtjevu Zajedničke Odvjetničkog ureda Mujarić i Gagula,
Bosna i Hercegovina**

**Sarajevo,
prosinac, 2012. godine**



Broj: 01-26-7-14-3-I/12
Sarajevo, 20.12.2012. godine

Na temelju članka 25. stavak (1) točka f) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za davanje mišljenja Zajedničke odvjetničkog uredu Mujarić i Gagula, Šenoina 16/III, 71 000 Sarajevo, zaprimljenog od strane Konkurencijskog vijeća dana 12.11.2012. godine pod brojem: 01-26-7-14-I/12, Konkurencijsko vijeće, na 49.(četrdesetdevetoj) sjednici održanoj dana 20.12.2012. godine, je donijelo

MIŠLJENJE

Konkurencijsko vijeće je dana 12.11.2012. godine zaprimilo Zahtjev za mišljenje (u daljem tekstu: Zahtjev) broj: 01-26-7-14-I/12 podnesen od strane Zajedničkog odvjetničkog ureda Mujarić i Gagula (dalje u tekstu: Podnositelj zahtjeva), kojim se traži mišljenje da li su odredbe Ugovora o neekskluzivnim distributerskim pravima usklađene sa Zakonom o konkurenciji (dalje u tekstu: Zakon).

Uvidom u podneseni Zahtjev, Konkurencijsko vijeće je utvrdilo da su potrebni dodatni podaci, te je zatražio dopunu dana 16.11.2012. godine, dopisom broj: 01-26-7-14-1-I/12. Podnositelj zahtjeva je tražene podatke dostavio dana 27.11.2012. godine, dopisom broj: 01-26-7-14-2-I/12.

Podnositelj zahtjeva traži mišljenje o dozvoljenosti zaključenja neekskluzivnog ugovora o distribuciji kojim bi distributer imao neekskluzivna distributerska prava ograničena samo na jedan dio tržišta Bosne i Hercegovine, područje Federacije BiH, čime se isključuje pravo distribuiranja na teritoriji RS.

U dostavljenom prijedlogu Ugovora o distribuciji su navedena prava i obveze ugovornih strana, odnosno prava i obveze proizvođača i distributera.

Predmet Ugovora o distribuciji je definiran u članku 1. i on glasi: „Ovim Ugovorom proizvođač imenuje distributera neekskluzivnim distributerom svoje robe na određenom teritoriju.“

Članak 4. prijedloga Ugovora o distribuciji regulira područje na kome će se distribuirati roba, odnosno u njemu stoji da je područje na kome će distributer prodavati robu, području Federacije Bosne i Hercegovine.

Člankom 4. stavak (1) Zakona zabranjeni su sporazumi, ugovori, pojedine odredbe sporazuma ili ugovora, zajednička djelovanja, izričiti i prešutni dogovori gospodarskih subjekata, kao i odluke i drugi akti gospodarskih subjekata koji za cilj i posljedicu imaju sprječavanje, ograničavanje ili narušavanje tržišne konkurencije na mjerodavnom tržištu.

Odluka o skupnom izuzeću sporazuma između gospodarskih subjekata koji djeluju na različitim razinama proizvodnje odnosno distribucije (vertikalni sporazumi) („Službeni glasnik BiH“, br. 18/06) (dalje u tekstu: Odluka), člankom 7. definira ograničenja koja vertikalni sporazumi ne smiju sadržavati, pa je jedno od nedozvoljenih ograničenja u navedenom članku i ograničavanje teritorij na kojem kupac može prodavati proizvode ili usluge koje su predmet sporazuma, ili grupe klijenata (potrošača) kojima može prodavati iste.

Analizirani prijedlog Ugovora o distribuciji sadrži pojedine odredbe kojima se ograničava tržišna konkurencija na mjerodavnom tržištu. Odnosno, članci 1. i 4. prijedloga Ugovora o distribuciji sadrže ograničavanje teritorije na kojoj distributer ima pravo vršiti distribuciju, kojim je isključena mogućnost da se distribucija vrši na ostalim dijelovim mjerodavnog tržišta BiH.

Ovo Mišljenje je dato isključivo na temelju podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo Mišljenje se ne može primijeniti.

Predsjednik

Gordana Živković

Dostavljeno:

- Zajednički odvjetnički ured Mujarić i Gagula
- U spis
- A/a